

彊邨叢書



方舟詩餘目錄

如夢令二

生查子四

擣練子二

長相思三

烏夜啼三

朝中措三

一翦梅二

醉落魄

臨江仙四

滿庭芳

木蘭花二

南鄉子二

西江月

八聲甘州

雨中花慢

醉蓬萊

漁家傲

方舟詩餘

資陽 李石 知幾

如夢令

橋上水光浮雪橋下柳陰遮月夢裏去尋香露冷五更時節胡蝶胡蝶飛過閒紅千葉

又

憶被金尊勸倒燈下紅香圍繞別後有誰憐一任春殘鶯老煩惱煩惱腸斷綠楊芳草

生查子

小桃小杏紅和雨和煙瘦不是點燕脂素面偏宜酒也是慣傷春可惜閒時候止要畫眉人與作雙蛾鬪

又

新花上苑枝枝上嬌鶯語日日抱花心啄破燕脂雨
鶯飛鶯去時誰與花爲主守等卻飛來再見花開處

又

今年花發時燕子雙雙語誰與卷珠簾人在花閒住
明年花發時燕語人何處且與寄書來人往江南去

又

荷花人面紅月影波心見扇子倒拈來敲落紅香片
窗下翦燈花今日眉深淺留得鏡中看蹙破春山遠

擣練子

斟別酒問東君一年一度一回新看百花飄舞茵
斟

別酒問行人莫將別淚裛羅巾
蚤歸來依舊春

又

腰束素環垂鴉無情笑面醉猶遮扇
兒搨瞥見些雙鳳小玉釵斜芙蓉衫子藕花紗戴一枝薝蔔花

長相思

花飛飛絮飛飛三月江南煙雨時樓臺春樹迷雙鶯
兒雙燕兒橋北橋南相對啼行人猶未歸

又重午

紅藕絲白藕絲艾虎衫裁金縷衣釵頭雙荔枝
兒背符兒鬼在心頭符怎知相思十二時

又

花深紅花淺紅桃杏淺深花不同年年吹暖風
鶯語中燕語中喚起碧窗春睡濃日高花影重

烏夜啼

紅軟榴花臉暈綠愁楊柳眉疏日長院宇閒消遣荔子
賭擣蒲瑩雪涼衣乍浴裁冰素扇新書繡香熏被梅
煙潤枕簟碧紗廚

又

鸞鏡重添眉黛羅裙瘦減腰肢一回見了一回病彈指
誤佳期醉裏慳顰淚洗夢中著摸魂飛一春多少閒
風雨亭院落花時

又

繡閣和煙飛絮粉牆映日吹紅花花柳柳成陰處休恨
五更風絮點鋪排綠水紅香收拾黃蜂留春盡道能
留得長在酒杯中

朝中措聞鶯

飄飄仙袂縷黃金相對弄清音幾度教人誤聽當窗綠
暗紅深一聲夢破槐陰轉午別院深沈試問綠楊南
陌何如紫榷西林

又贈趙牧仲歌姬

綠楊庭院覺深沈曾聽一鶯吟今夜卻成容易雙蓮步
步搖金歌聲暫駐顰眉又去無計重尋應恨玉郎殢
酒教人守到更深

又

淩波庭院藕香殘銀燭夜生寒兩點眉尖新恨別來誰
畫遙山南樓皓月一般瘦影兩處憑闌莫似桃花谿
畔亂隨流水人間

一翦梅

紅映闌干綠映階閒悶閒愁獨自徘徊天涯消息幾時
歸別後無書有夢來後院棠梨昨夜開雨急風忙次
第催羅衣消瘦卻春寒莫管紅英一任蒼苔

又

百濯香殘恨未消萬緒千絲蓮藕芭蕉臨歧猶自說前
時輕翦烏雲解翠翹雨意重來風已飄南陌行人折

柳條此閒無計可留連枕上今宵馬上明朝

醉落魄

天低日暮清商一曲行人住著人意態如飛絮纔泊春衫卻被風吹去朝期暮約渾無據同心結盡千千縷今宵魂夢知何處翠竹芭蕉又下黃昏雨

臨江仙

煙柳疏疏人悄悄畫樓風外吹笙倚闌聞喚小紅聲熏香臨欲睡玉漏已三更坐待不來來又去一方明月中庭粉牆東畔小橋橫起來花影下扇子撲飛螢

又

六曲闌干垂手處燭光花影疏疏一尊共飲記當初彩

毫濃點雙帶要人書 日暮不來朱戶隔碧雲高挂蟾
蜍琴心密約總成虛醉中言語醒後憶人無

又

有宅一區家四壁年年花柳深村父兄隨處宴雞豚折
腰歸去何苦傍侯門 擬射九鳥留白日假饒立到黃
昏臥龍老矣及三分不如把手堂上宴芳尊

又老母太恭人三月二十一日生是日仍遇己卯本命
作千歲會祝壽子孫三十八人

九九之年逢降慶生年生日同時金花紫誥鬢銀絲乞
身香火地日戲老萊衣 渾舍集成千歲會子孫三世
庭闈共將春酒祝金卮蟠桃三月暮莫怪看花遲

滿庭芳

江草抽心江雲弄碧江波依舊東流別筵初散行客上
蘭舟休唱陽關舊曲青青柳無限輕柔應爭記三年樂
事珠翠擁遨頭離愁知幾許花梢著雨紅淚難收看
煙火吳天萬里悠悠一望珠宮絳闕蓬萊路應在皇州
仍回首蜀山萬點明月滿南樓

木蘭花

轆轤軛軛門前井不道隔窗人睡醒柔絃無力玉琴寒
殘麝徹心金鴨冷一鶯啼破簾櫳靜紅日漸高槐轉
影起來情緒寄遊絲飛絆翠翹風不定

又

一春閒卻花時候小閣幽窗長獨守晴雲南浦夢還空
初月西樓眉也皺馬嘶何日門前柳脈脈盈盈相見
後心頭有事不難知面上看誰真箇瘦

南鄉子十月海棠

十月小春天紅葉紅花半雨煙點滴紅酥真耐冷爭先
奪取梅魂鬪雪妍坐待晚鶯遷織女機頭蜀錦川枝
上綠毛幺鳳子飛仙乞與雙雙作被眠

又

裏帽撚吟鬚我是蓬萊舊酒徒除了茅君誰是伴麻姑
洞裏仙漿不用沽弱水渺江湖醉裏笙歌醉裏扶縱
飲菊潭餐菊藥茱萸醫得人閒瘦也無

西江月

一脈分谿淺綠數枝約岸敲紅小船橫繫碧蘆叢似我
江湖春夢曬網漁歸別浦舉頭雁度晴空短蓑獨宿
月明中醉笛一聲風弄

八聲甘州

向吳天萬里一葉歸舟歲月儘悠悠有清歌一曲醉中
自笑酒醒還愁幾度春鸚鵡午塞鴈橫秋漁笛蓑衣底
依舊句收多謝飛來雙鶴口水邊林下伴我遨遊笑
老萊晨昏色笑爲親留有向來素琴三尺枕一編周易
在牀頭君知否家山夢寐渾勝瀛洲
雨中花慢次宇文吏部贈黃如圭韻

激灩雲霞空濛霧雨長堤柳色如茵問西湖何似粉面
初勻盡道軟紅香土東華風月俱新舊遊如夢塵緣未
斷幾度逢春蓬萊閣上風流二老相攜把酒論文最
好是四娘桃李約近東鄰別後使君鬚鬢十分白了三
分是人笑道醉中文字更要紅裙

醉蓬萊

望長江東去逐客西來幾逢秋杪江草江花約鬢絲俱
老朝士紅萸佳人雪藕別後忍孤歡笑楚水樓臺巫山
宮殿五湖煙渺又是征帆萬里行去舊恨鱸魚昔盟
鷗鳥九日江南上蓬萊仙島三度劉郎黃花醉裏問我
幾時來到寄語西風饒他老子莫欺烏帽

漁家傲贈鼎湖官妓

西去征鴻東去水幾重別恨千山裏夢繞綠窗書半紙
何處是桃花谿畔人千里瘦玉倚香愁黛翠勸人須
要人先醉問道明朝行也未猶自記燈前背立偷彈淚

白石詞世不多見洪陔華先生獲藏本刻於真州於是
近日詞人稍知南宋有姜堯章者第字畫訛舛頗多缺
失上海周晚菰因語予曰昔留漢上見書賈持陶南村
手錄白石詞五卷別集一卷可稱善本索金六十兩遂
不能有聽其他售猶記集中有鶯聲繞紅樓一調爲諸
譜中未覩此名至今往來胸臆歎息不可復見未幾符
藥林老友自京師過揚州於酒座閒論及倚聲上乘遂
出白石全詞相示云自吳淞樓觀察處借鈔卽南村所
書舊本沈淵之珠忽耀人閒不愉快乎爰秉燭三夜繕
完而歸之後之才人得予此書其珍惜又復何如乾隆
二年四月十九日仁和江炳炎記於揚州寓齋